

Mahasiswa ikuti persidangan pengurusan penulisan tesis

Oleh Noor Eszereen Juferi
bhvarsiti@bharian.com.my

SERDANG: Mahasiswa Sekolah Pengajian Siswazah, Universiti Putra Malaysia (UPM) dikenali sebagai Peer Support Group (PSG) menganjurkan Seminar Antarabangsa Managing the Research Journey di Fakulti Perubatan dan Kesihatan, baru-baru ini.

Disertai 350 mahasiswa tempatan dan antarabangsa institusi pengajian tinggi awam (IPTA), pengisian seminar berjaya memberi input berkaitan pengurusan

dan penulisan tesis, kaedah pembentangan hasil penyelidikan pada persidangan tempatan dan antarabangsa serta persediaan menghadapi viva pada akhir pengajian.

Pengarah PSG, Chang Sui Kiat, berkata penganjuran persidangan itu hasil kerjasama antarabangsa strategik UPM dengan Universiti Otago, New Zealand dalam bidang akademik yang bukan saja mengukuhkan agenda pengantarabangsaan UPM, malah menggalakkan penerbitan idea baru yang relevan dengan cabaran global.



● MUSTAFFA KAMAL | BERITA HARIAN

SEBAHAGIAN mahasiswa tempatan dan antarabangsa IPTA yang menyertai Seminar Antarabangsa Managing the Research Journey di UPM, baru-baru ini.

"Peserta seminar berpeluang mendalami kaedah penulisan tesis berkesan daripada penceramah Otago University, Dr Vijay Kumar Mallan yang berpengalaman luas dalam bidang motivasi.

"Pengisian seminar turut bertujuan

memupuk budaya penyelidikan berimpak tinggi dalam kalangan mahasiswa pascasiswazah sekali gus membantu memperkasakan bidang penyelidikan universiti masing-masing," katanya.